



Sarajevo, 7.11.2024. godine  
Broj: 06-06-2-1122-2/24

Poziv na edukaciju  
**Arbitražno rješavanje sporova**

Tešanj, 28.11.2024. godine

Vanjskotrgovinska/Spoljnotrgovinska komora Bosne i Hercegovine (VTK/STK BiH) organizira edukaciju na temu „Arbitražno rješavanje sporova“, koja će se održati u prostorijama TECH LAB centra u Tešnju, dana 28.11.2024. godine od 9 do 17 sati.

U periodu od 2021. godine do danas, VTK/STK BiH uspješno je organizirala tri ciklusa „Škole arbitražnog rješavanja sporova“, s ciljem predstavljanja arbitraže poslovnoj zajednici u Bosni i Hercegovini. Ova edukacija je namijenjena predstavnicima bh. poslovne zajednice (kompanije), uposlenicima javnih preduzeća, advokatima, arbitrima, pravnicima i drugim licima zainteresiranim za arbitražno rješavanje sporova.

**U okviru edukacije biće prezentirane sljedeće teme:**

- Modul 1 i Modul 2: Arbitražno rješavanje sporova u Bosni i Hercegovini i zakonski okvir, praksa i proces pred Arbitražnim sudom pri VTK BiH
- Modul 3: Arbitražni ugovor i nadležnost arbitraže
- Modul 4: Vođenje postupka, ovlaštenje arbitražnog tribunala, donošenje procesnih odluka
- Modul 5: Dokazni postupak
- Modul 6: Donošenje i pisanje arbitražne odluke
- Modul 7: Poništenje i izvršenje arbitražnih presuda i praktična vježba (mock trial)



Predavač na edukaciji je **Armela Ramić**. Kvalifikovani bh. advokat sa preko 10 godina iskustva u oblasti privrednog prava i rješavanja sporova. Primarni fokus njenog advokatskog ureda su privredno pravo, akvizicije i spajanja privrednih društava, energija i infrastrukturni projekti, te zastupanje stranaka u sudskim i arbitražnim postupcima. Armela je suosnivačica i predsjednica Udruženja ARBITRI, koje je osnovano 2013. godine. Udruženje ARBITRI je stručna nevladina organizacija čiji je cilj izgradnja i jačanje stabilnog sistema ADR u BiH što podrazumijeva arbitražu, medijaciju i

mirenje. Udruženje kao primarni cilj ima razvijanje stabilnog sistema arbitraže u BiH i privlačenje stranih investitora u BiH. Kao advokatica i članica udruženja ARBITRI, dizajnirala je i implementirala mnogobojne trening programe za poslovnu zajednicu, in-house pravnike kao i za sudije privrednih odjeljenja iz oblasti arbitraže. Armela je na na listi arbitara Arbitražnog suda pri VTK BiH, te na Spisku lica sa odgovarajućim kvalifikacijama za obavljanje dužnosti arbitra pred Stalnom arbitražom pri Privrednoj Komori Srbije.

Prijava učešća se vrši popunjavanjem [online prijavnog obrasca](#). Krajnji rok za dostavljanje prijave je utorak, 26.11.2024. godine do 12:00 sati.

Za učešće na edukaciji „Arbitražno rješavanje sporova“, predviđena je **kotizacija u iznosu od 234,00 KM (cijena s PDV-om)**.

U cijenu kotizacije je uključeno:

- Prisustvo nastavi/predavanjima
- Elektronske prezentacije predavača
- Networking i mogućnosti umrežavanja i povezivanja
- Pauza za ručak, kafu i osvježenje
- Certifikat VTK BiH o pohađanju edukacije

Vaša kontakt osoba za sve dodatne informacije je Mirza Konjo, saradnik za edukaciju u Institutu za edukaciju VTK BiH.

Telefon: 033/566 204; E-mail: [mirza.konjo@komorabih.ba](mailto:mirza.konjo@komorabih.ba)

Prilog:

- Program edukacije „Arbitražno rješavanje sporova“



**PROGRAM edukacije „Arbitražno rješavanje sporova“; Tešanj, 28.11.2024.**

<b>28.11.2024.</b>	<b>Tema/Aktivnost</b>
<b>08.45 – 09.00</b>	Registracija polaznika edukacije
<b>09.00 – 09.10</b>	Pozdravna riječ & Uvodno obraćanje organizatora
<b>9.10 – 10.30</b>	<b>Modul 1 i Modul 2: Arbitražno rješavanje sporova u Bosni i Hercegovini i zakonski okvir, praksa i proces pred Arbitražnim sudom pri VTK BiH</b>
	<ul style="list-style-type: none"><li>• Predstavljanje rada i pravila Arbitražnog suda pri VTK BiH;</li><li>• Pregled zakonskog okvira koji reguliše postupak arbitraže u BiH. Pregled toka arbitražnog postupka – od zaključenja arbitražnog sporazuma do donošenja arbitražne odluke – prema primjenjivim propisima u BiH</li></ul>
<b>10.30 – 10.45</b>	Pauza za kafu/osvježenje
<b>10.45 – 12.30</b>	<b>Modul 3: Arbitražni ugovor i nadležnost arbitraže</b> <b>Modul 4: Vođenje postupka, ovlaštenje arbitražnog tribunala, donošenje procesnih odluka</b>
	<ul style="list-style-type: none"><li>• Arbitražni ugovor i patološke arbitražne klauzule. Načelo <i>kompetenz-kompetenz</i> i načelo <i>odvojene prirode arbitražnog sporazuma</i> (separability principle). Odnos suda i arbitraže u slučaju osporavanja nadležnosti uz pregled sudske prakse u FBiH i RS. Postupak po prigovoru nadležnosti pred Arbitražnim sudom pri VTK BiH. Osnovi za poništenje arbitražne odluke vezani za arbitražni ugovor.</li><li>• Tok postupka prema Pravilniku Arbitražnog suda pri VTK BiH. Vođenje arbitražnog postupka u praksi. Vrste procesnih odluka koje arbitraža može donijeti, te postupak donošenja istih sa osvrtom na efikasnost postupka i poštivanje procesnih prava stranaka. Osnovi za poništenje arbitražne odluke vezani za vođenje postupka.</li></ul>
<b>12.30 – 13.30</b>	Pauza za ručak
<b>13.30 – 15.00</b>	<b>Modul 5: Dokazni postupak</b> <b>Modul 6: Donošenje i pisanje arbitražne odluke</b>
	<ul style="list-style-type: none"><li>• Provođenje dokaznog postupka, sa posebnim osvrtom na vještačenje. Ograničenja ovlaštenja arbitražnog tribunala. Odnos suda i tribunala u provođenju dokaznog postupka. Osnovi za poništenje arbitražne odluke vezani za vođenje postupka.</li><li>• Donošenje arbitražne odluke u tročlanom vijeću. Osnovni elementi obrazložene odluke. Osnovi za poništenje arbitražne odluke vezani za vođenje arbitražnog postupka.</li></ul>
<b>15.00 – 15.15</b>	Pauza za kafu/osvježenje
<b>15.15 – 17.00</b>	<b>Modul 7: Poništenje i izvršenje arbitražnih presuda i praktična vježba (mock trial)</b>
	<ul style="list-style-type: none"><li>• Uvjeti i postupak za poništenje i izvršenje arbitražnih presuda;</li><li>• Praktična vježba sa simulacijom suđenja</li></ul>
<b>17.00</b>	Dodjela certifikata VTK BiH za polaznike edukacije